

"CEDEAO" ye gérante sigi Mali kan

Afiriki tilebinyanfanjamanaw ka soro yiriwali tonba (CEDEAO) ye laje bakalen ke nténendón awirilikalo tile 2 san 2012, Dakaro Senegali faaba la.


Laje balalen in senfe, u y'a nini diyagoya la Mali sorodasijekulu ka fanga bila, ka segin fanga koro ma n'o te, u be Mali nangi.

Mali sorodasijekulu sonna o ma, ka juru yoba. Fanga sigibolo minnu tun binna, olu sigira u no na. Jamana sariyasunba min tun bilala kerefe, segin kera o ma.

Kapiténi Amadu Haya Sanogo ye min fo, a ko la, o file nin ye :

1 - Anb'an kan di kerekérénnya la, k'a jira, k'a damine bi la, Mali jamana sariyasunba; ben kera min kan san 1992 feburuyekalo tile 25, o sigira a no na, ani jamana sigibolo bée lajelen;

2. Nka, ka da gelya suguya caya kan an ka jamana kono, walasa furancelafanga nénama ka se ka sigi sen kan jamana kono, an y'an kan di,



Sorodasijekulu ni "CEDEAO" ma ben fo la

fokabenna ka yamaruya kono, ka wele bila fasojama togolamogow ma, an bée ka je ka benkanw sigi sen kan, minnu b'a to furancelafanga be sigi,

ka wotew laben, ben ni lafiya kono, jemufanga hukumu kono; anw sorodasiw sen téná ye o kalata ninnu na.»

Nk'o n'a ta bée, CEDEAO, peresidanw k'o te wasa ke. U ye Mali nangi : Mali siginogonjamana minnu be CEDEAO la, olu y'u ka dancew datugu Mali ne Politiki ani nafoloko sira kan, ani jago, u ye fiñeboda bée geren Mali ne.

U benna a kan ka sorodasi 3 000 laben ka bila, u benn minnu bila ka na Mali kono, k'u disi da körönfekélé la. Sorodasijekulu be laben minnu na walasa ka Köröfela mine ani ka basigi sabati jamana kono, u m'o jate. Nangili ninnu benn sege min da Malidenw kan, ka fara ja ni Körönfekélé kólo juguw kan u m'o fana jate.

«CEDEAO» jamana ye 15 ye : Benen, Burkina Faso, Kapuverdi, Kôdiwari, Ganbi, Gana, Gine Bisawo, Lagine, Liberiya, Mali, Nizeri, Nizeriya, Senegali, Seraleyezi ani Togo.

Bande Musa Sisoko
Mahamadu Konta

Peresidan Amadu Tumani Ture ka fanga dafiricogo n'a dafirkun

Sorodasiw murutira Kati «kan» kono, arabardon, maristikalo tile 21, san 2012. Murutili in laban kera Kudeta ye alamisadon maristikalo tile 22 san 2012.

N'i ye kow taacogo n'u nacogow laje, i b'a ye k'a fo Kudeta in ma bali mogow la. A benn ke jen fe ani don jumen? Mogow tun t'o dedon. Bee tun sigilen don n'a ye wa a benn jamanadenw ma fana.

Kabini zanwuyekalo tile 17 ni körönfekélé juguyara, ka Mali sorodasi caman mine k'u nangata, ka tila k'u faga fagalicogo cejuguw la; mogow somina ko gelyaba be Mali larame kono. O bolen ko yen, köröfela dugu caman minena banbaanci w. O la, jamanadenwy'a faamuya ko janfa be

nin ko in na ka nesin Mali ma. Mali sorodasi ka ca, a kéléminen ka ca, a cefarin ka ca, n'i y'a ye olu b'uyere to juguw bolo, u k'umine, k'u faga, janfa b'la. Sekilifara mana mogo min kun sogo, gongorónkuru ka janfa y'o ye.

A ma ne min k'o, alamisadon, feburuyekalo tile 2, Kati

sorodasimusow n'u denw murutira. U y'a nini jamana nemogow fe, nunununukan cayara, tige ka fo mogow ye körönfekélé kan. U y'a nini jamana nemogow fe, kélékeminé ka di sorodasiw ma, ani balow walasa u ka dankari banbaanci w. Jumadon feburuyekalo tile 3, san 2012, musow ye jamanakuntigisigi jen na, bée y'i ta fo a ma n'u téná daj tu a kun na, ka nten ci a ten kan. Kuma jolen kelen si ma soro ka fo musow ye jamanakutigisigi fe.

A ma ne min k'o, tile filao k'o, arabardon, maristikalo tile 21 san 2012, sorodasiw yere murutira Kati. O don, kélébolo Minisiri, Zentrali Sajo Gasama wulila ka bo minisirilaje kene kan ka na kuma goferenaman togola sorodasi murutilenw fe. O ko ma ben sen ma. Kuma juguw ma fo nka

A ma ne min k'o, tile filao k'o, arabardon, maristikalo tile 21 san 2012, sorodasiw yere murutira Kati. O don, kélébolo Minisiri, Zentrali Sajo Gasama wulila ka bo minisirilaje kene kan ka na kuma goferenaman togola sorodasi murutilenw fe. O ko ma ben sen ma. Kuma juguw ma fo nka



Jamanakuntigikese "Pale" yero daw tijena fangabin senfe

sorodasiw tun dusu tijenen don. Kabini Sajo Gasama lakanabaga do ye mugu kan kelen bo, walasa u be se ka sira soro ka taa, halí a tun kana o ke. Sorodasiw girinna ka da mugubonw kan, ka mugubonw da kari, ka kélékeminew ta, ka mugu ni kise ta, ka gelenw ta, ka kélékemobiliw ta.

Sorodasi murutilenw y'u tila kulu fila ye. kulu kelen taara Bozola ka

ORTM arajo ni jabaraninsoba mine. Kulu filananw taara masakéso kama n'o ye «Pale» ye. Bamako kono, alamisadon feburuyekalo tile 22 san 2012 fajirida waatila, sorodasijekulu minye kudeta

A to be ne 2nan nan

KONKO BE JE 8NAN NA

ne fôlo to

ke, olu ja bora jabarañin kan. U ka kumalasela, Yetenan Amadu Konare, y'a jira ko : Sorodasijekulu min be welé (CNRDRE), n'o ye sorodasijekulu ye, min y'a jo a joyoro la, k'a ni fili, k'a nintaabolo humanaka don demokarasi koro ani ka mara sinsin jamana kono, o ye fanga ta.

Jamana kera ba juruntan ye,

jemogow desere k'u sigi k'u bolo fila da u sen kan; juguw be ka jamana min, k'a damine koro fe u be k'u kunda yoro tow kan.

Sorodasijekulu in ka baara ye ka taabolo numan don demokarasi koro ani mara sinsin jamana kono. A jemogoba ye kapiteni Amadu Haya Sanogo ye. (CNRDRE) jemogoba y'a jira ko fanga koro binna, a sigibolow binna, a taabolow bilala, Amadu

Tumani Ture jemadogora a lakanabagaw fe. Minisiri jemogob, Madamu Sise Mariyamu Kayidama Sidibe ani, Minisiri jemogob koro Modibo Sidibe, ani goferenaman Minisiri daw, olu minena sorodasi murutilenw fe, k'u jemadogo Kati sorodasikan kono, n'oye Kan Sunjata Keyita ye.

O Minisiri ye : Aruna Sise, Sidiki NFa Konate, Kafuguna Kone,

Suleymani Bubeyi Mayiga. Jamana jemogoba werew minnen don : Zamili Bitari, Amadu Tanba Kamara, ani dowerew.

Sorodasijekulu in jemogoba si be san bi naani ni ko la, muso kelen b'a kun ani den saba, a be bo Segu : Kapiteni Amadu Haya Sanogo.

**Salimu Togola,
Madiba Keyita
Mahamadu Konta**

Sorodasijekulu jemogob kapiteni Amadu Haya Sanogo ka kuma fôlo

Sorodasijekulu (CNRDRE) kelen ka fanga ta, alamisadon marisikalo tile 22, san 2012, a jemogoba Kapiteni Amadu Haya Sanogo ye kuma ta ka jamanadenw kunnafoni :

A'y a jira ko a n'a jemogonw b'ujilaja, malidenw ye wulikajo min ke here ni ben sabatili la jamana kono, o ka sabati. A'b'a nini politiki jemogow fe, u ka fara sorodasijekulu in kan, ka taabolo numan di Mali demokarasi ma ani ka mara sinsin jamana kono. Fen min ye korenfekeleko in ye, sigikafu ani kotonogontala te desse fosi la, fo n'a kera Mali tilaliko ye. Kuma kolomayoro tow file nin ye :

Tine don, kabini arabardon, marisikalo tile 21, nagami be jamana kono, mogow hakili sigilen te; a nini jamaden bee lajelen fe, minnu b'a kono an'a kokan, ani Afiriki den minnu

b'an fe yan, fo ka se dije yoro were mogow ma, bee k'i hakilisigi i ko nomyiranna moden.

Jorenako ani sirankow n'u caya bee, n'an y'aw fanga ke kelen ye, ka tugu tine ko, ka baara ke, basigi be na, jamanadenw b'u sago soro.

Hadamadenw lakanani ani u bolofenw lakanani, sorodasijekulu a jo n'o ye, jamana fan tan ni naani kono.

Tine kera mogo minnu kun binkannikelaw fe k'u bolofenw sonya walima k'u tine, o tooro n'o nimisa be sorodasijekulu la; tine tigilamogow mana ke yoro o yoro la, ub'a ta u nikini kan.

Malidenw jigi dalen be ko min kan, n'o ye ka ke jamanaba ye dije kono, jamana yiriwalen, jamana fangama, sorodasijekulu in ka baara bee lajelen

be ben o waleyali ma. O hukumu kono, a nini politiki jemogow fe uka geres sorodasijekulu in na, ka fara a kan walasa ferew ka se ka tige joona minnub'a to, sariyasunkura belaben, ka wotew ke, ka jemogob kuraw sigi, ka fanga sigibolo kuraw sigi jamana kono. A tene meen sorodasijekulu be wele bila jamanadenw ma, politikitonw, jekuluw danbesiraw jemogow, ce ni muso, denmisen ni maakoro, bee ka je ka taabolo numan don an ka demokarasi koro ani ka mara sinsin jamana kono. Jemogob kuraw bena sugandi o baara ninnu waleylikama minnulakodonnendon n'u ka cesiri ye, u ka kalan, u ka kodon an'u ladamucogo numan.

Tine don korenfekele kelen be jorenankoba ye, fo mogow sigalen be ni sorodasiw deselen te k'u joyoro fa.

Sorodasiw desera ka sababu ke minentanya ye, mugu ni kisenntanya, balontanya, ani namara ni yuruguyurugu fanga bonyali larame kono. O laban dun ye jamana cili ye walima a bousili jamanadenw na.

(CNRDRE) ye fanga ta ka minen jengelen latilen bawo ji bonnen te ce. Mogo te se ka saya jore ka toli jore; ka taa kellekeyoro la, k'i te kelle ke, bawo k'e te kelle fe, takun ti la.

Sorodasijekulu y'a jira, ni sigikafu de be kelle in ban, o be ke fo ka se a dan na. N'a ma ne kelle ko, o fana be ke fo ka se a dan na.

Jamana jemogob, Kapiteni Amadu Haya Sanogo y'a nini Mali kelenew fe, umana ke dakun o dakun na, uk'u jeniyorofin, ne komiko kelen kana tige ka bo Mali dugukolo la.

Mohamadu Konta

Afiriki tilebinyanfanjamana Peresidan 5 tun ka kan ka na laje la Bamako

Alamisadon, marisikalo tile 29, san 2012, Afiriki tilebinyanfanjamana peresidan tun ka kan ka noggon soro Bamako yan laje la, walasa ka fura soro Mali gelyaw la, fangabin ani korenfekele.

Kodiwari peresidan, Alasani Daramani Watara, Burikina peresidan, Bilezi Konpawore, Benen Peresidan Yayi Boni Nizeri peresidan, Liberiya peresidan ale ye muso ye, olu de tun ka kan ka na laje in na.

Peresidan ninnuma seka na Bamako, bawo u y'a jira ko lakanma sabati Bamako pankurunjiginkene kan.

Pankurunjigikene tun falen don jama la, u dusu tijenena, u kelen be ka sebenne k'e fini jemane k'an k'u naniyaw jira. A tun sebenne be fini jeman do kan ko ni Mali demeko be peresidan ninnu kono, u ka demedon an ma korenfekele in na.

Peresidan 5 ninnu tun be na (CEDEAO) de togo la. O ye Afiriki tilebinyanfanjamana k'a tonba ye soro yiriwali kama ani duwañekow noggoyali. Bi, Alasani Daramani Watara de be (CEDEAO) jemogoya la. Ale folodeyesira mine ka na, nk'a seginna ka da lakan sabatibaliya kan Senu pankurunjiginkene na. Peresidan ninnu labanna ka taa u ka noggonye in ke Kodiwari faabla la Abijan.

O m'a bali u ka minisiriw an'u ka kellekuntigw ni Mali sorodasijekulu jemogow ka sigi kuma, bawo olu konna u ne Bamako yan.

Kodiwari Minisiri min ka baaraw jessinen be u ni jamana were ce donnogonna ma, Adama Bikoto ani Nizeri ni jamana were ce Minisiri, Mohamed Buzen, ka fara Burukina ni jamana were ce kojew jenaboli Minisiri kan, Jibirili Basole, olu bee tun be laje in kene kan.

Laje in kera Kadere Desire Wedarawogo fana, oye tonba in kojewabojekulu jemogoye. Fanfila benna min kan, o ma ke seben ye k'a dajira mogow la, k'a jensen. Nka a y'a to Mali Sorodasijekulu jemogob, Amadu Haya Sanogo, k'a hakililaw fo, k'a kuntillennaw jira, ka Mali taabolo kura pereperelatige. Ci min fana donna Minisiri ni kellekuntigw da Afiriki tilebinyanfanjamana peresidan fe, olu fana y'o lase Mali jemogob kuraw ma. Nin b'a jira k'a fo ko Mali jemogob kuraw lamenen don an kerefema mana peresidan fe. Kapiteni Amadu Haya Sanogo fana be peresidan ninnu laniniwdonsisan. Adola, a tene meen noggonaamuya bena sabati.

**Mohamadu Keyita
Mahamadu Konta**

Balodese be Tenenkun serikili la

Sene kpanaji temenew in na, soro ma ke Tenenkun Komini 10 si kelen kono k'a sababu ke sanjidese ye. Cakeda min jessinen be waati ani sanjiko kunnafoni ma n'o ye metewo ye, o y'a sementiya ko san 2010 sanji sebekoro cayara ni san 2011 ta hake ye. Koroen samiy'e be damine zuwenkalo la ka se okutuburukalo ma; nka samiy'e temenew daminenza zuwenkalo ka soro ka tige utikalo la. Jateminen sanji nana tile 21 kono. A y'a ta milimetere 392 la ka se milimetere 500 ma; i n'a fo Yoro Tarawele y'a jira cogo min na. Ale ye Tenenkun serikili seneko cakeda jemogo ye. Baw ma se ka fa, kow fana jara joona. Ode kosondugukolo ma nafa soro; bin jenama ma falen, senefew ma ne. Forocamansene, nka usumanw labanna ka ja jintanya fe.

Kerenkerennenya la jigi tun dalen be malokaama toni 8.546,60 soro li kan jaka malosene yoro la. O tene se ka soro. Jaka be Moti Ofisiri ka seneke mara kono. Jaka seneke jemogo ye Mamadu Balo ye. A y'a jira ko taari 1977 min sene na, soro tene ke dowere la 103 ko. A to bee kera segen fu ye. O dun ye foro

labennenwe. Foro labenbali ye taari 6111 ye. Min fisayara o la, o te teme taari 700 kan.

Jatemine na forolabennenw soro bena ke toni 2,675 ye taari kelen na. Hali gerekansenefenw, a si ma sabati Tenenkun serikili kono. Kunfilanintu fana ye do fara sigida geleya kan. A klosira ko suman songo ye dantemeyerelenni damine kaban.

Walasa ka noggoya don baloko la, demedonjekulu nin be wele «GRAT» o b'a fe ka sajo toni 310 ladon Tenenkun serikili kono, a ka feere songo hakema na. O siratige la, meri be jekulu do sigi sen kan, min mogo hake b'a ta 3 la ka se 4 ma, suman feereli kama. «GRAT» be olu ka baara kecogo klosi. A kokerodonbaa ye Alimanjamana demedonjekulu do ye min be wele alimankanna «WeitHunger Hilfe». O bamanankan ye «Nenamaya Kongontan».

Jekulu min jessinen be banaw ani sigida kasaaraw kelleli ka ma, yamaruya dira o ma a ka no toni 2,8, kogo bore 32, zaweliji kariton 20 ani sange sulen 28 tila Tenenkun serikili desebaato ce. Goferenaman ka bolomademe kera o fen ninnu ye.

Musa Danbele / Dokala Yusufu Jara

Moti Ofisiri y'a ka san 2012 - 2013 sene kanpani boloda

Moti Ofisiri y'a ka laadatonsigi 22 nan ke ke san 2012 feburuyekalo tile 28. A nemogoya tun be sene minisiri ka baarakajekulu nemogoya Usumani Agi Risa bolo.

Ofisiri nemogoba Zakariya Kamara ani Moti mara gofereneri ka ciden Mumini Damango tun be laje in kene kan. Moti Ofisiri ka nin laje in kera waati gelon na. Malo bere ma soro k'a sababu ke sanjidesse ani samiye nata malosi soro geleyaw ye;

Laje in senfe, san 2011 - 2012 baaraw seereyasebenw fesefesera, ka san 2012 - 2013 sene kanpani baara bolodalen fana fesefes. Ofisiri nemogoba Zakariya Kamara y'a jira ko san 2011 - 2012 sene kanpani daminenka k'a soro bolo be senekelaw bolo, angere ni malosi fana tun b'u bolo; Dannaya tun be

senekejekuluw ni waribonw ce. Nka sene to nana geleya sanjidesse fe, baw ma fa. O kera a damanageleya ye. Cikelakolidenw ka bolifew kora, o y'olu ka taakasegin geleya. Baarakeminan nemama fana te senekelaw bolo. Nin bee kera geleya ye.

Zakariya Kamara ka fo la, maloforo taari 44.037 la, taari 400.633 de sera ka sene. Kemesarada la o ye 92 seneen foro mume na. Nka taari 30.007 tijena ja fe ka Ofisiri bone 33,54 na a ka malosorota la.

Fen min ye suman tow ye, o foro taari 38.170 la, taari 36.534 sera ka sene. Kemesarada la o ye 96 ye sumanforo mume seneta la; nka ja ye o taari 10.234 tij. Jatemine na Moti Ofisiri ye suman hake min soro san 2011 - 2012 sene kanpani na,

o mume benna toni 54.973 ma. Kemesarada la o ye 36 ye a jigi tun be hake min soro kan kanpani kono.

Suman hake sorolen te teme kalo 4 dumuni kan ofisiri kono. Nin balodesse in bema jiguya Jene ni Tenenken serikili kono kosebe. Malosiko be geleya, senekelaw ka senekelaw talenw sarali bema geleya.

Ofisiri yere bema bin kemesarada la ni 69 ye a ka nafolo soro la. N'o fanba ye jisongo sarataw ye.

Jinan geleya ma Moti Ofisiri bali ka san 2012 - 2013 sene kanpani boloda. O siratige la, a b'a fe k'a jigi da malo toni 118.240 soro kan; kemesarada la o ye 33 farali ye jinan soro kan. Malo ni suman to mume na Ofisiri b'a fe k'a disi da toni 162.335 soro la kanpani nata. Kemesarada la o ye 295 farali ye

san temenen soro mume kan.

Walasa nin lanini ninnu ka se ka sabati Ofisiri b'a fe ka malosi R2 toni 1.364 di senekelaw ma. Ka malosi koro toni 565 fara a kan ani ka nogo «DAP» toni 1.220 bila u ka bolo kan. Jibolisira metere 9.000 be labo, ka digi metere 4.000 jo ani ka sefawari miliyon 400 bila u ka bolo kan senekelurukma kama.

Yiriwali siratige la baronin 484 bolodalen be senekelaw kuma kama. Balikukanan nesinnen be senekela ceman ni musoman 10.889 ma. Sefawari miliyon 781 bolodalen lanini kofolen ninnu waleyali kama; O siratige la walasa ka baaraw n'u musakaw kolosi, jekulu do bema sigi Ofisiri kono a sariyaw jatemineni kama.

Daramani Kulubali Dokala Yusufu Jara

Yamaruya dira malo ladonni na; nka a songo kana teme doreme 71 kan

Baloko ma sabati Mali kono jinan. O geleya kelen be Sahelijamana tow la. A kelen be sababu ye ka balo songo serekeroy yelen dugubaw ni wulakonduguw la; O de koson an be kalo damado bo balo songo yelenne be Mali kono.

Jatemine na Mali malo yere be jini ka dogoya dije suguba la. Suman sorobaliya Sahelijamanaw kono jinan ka fara koronfela kelen kan, ninnu noba be Mali baloko geleya la. Cakeda min nesinnen be jagoko ma, o y'a jira ko malo hake min be soro Mali kono sisan, o te teme toni 53.253 kan. N'o yere te tile 25 dumuni bojamana kono. Sabula Mali kono tile 25 dumuni be se toni 63.679 ma. Nin malo hake min folen file k'o be soro jamana kono sisan, julaw ka feeretaw ani minnu ma bo

Maliduwanesow la fololub'o jate la. OPAMU taw fana b'a la. Nka dogodogonin feerelaw taw ma jate ala.

Cakeda min nesinnen be jagoko ma o ka fo la, kemesarada la malo songo yelenne ni 18,79 ye nin waati in na. N'o ye doreme 82 ni murumuru 1 ye; kasoro san 2011, nin waati kelen na malo kilo tun ye doreme 69 ni murumuru 1 ye.

Ka da nin jatemine ninnu kan baloko la Mali kono, jago minisiriso ye dabali tige balo nogoyali la ni balo songo jekulu ka deme ye. O ye jekulu ye min ka baara nesinnen balo hake, a songoko, a ninicogo a n'lasrococo jatemine ma. Alamisadon mariskalo tile folo san 2012, balo songoko jekulu ye laje ke maloko ani

kabako kunkan. Laje in nemogoya tunbe Jago minisiri Madamu Sangare Namato Ba bolo. A kun ye ka dabali tige min bema a to malo ni kaba kana dese jamanadew na. A jirala ko jinan balodesse sababu folo bora sanjidesse la. Balo bere ma soro, a feereta be minnubolo olube k'a songodamatem yelen, mogow dun mako b'a la. O hukumu kono, jekulu min nesinnen baloko ma, o y'a jira ko yamaruya ka dijulaw ma balo ladonni na Mali kono walasa balo kana dese jamanadew na. K'a damine san 2012 mariskalo tile folo la fo ka se a mekal tile 31 ma, julaw bema ni malo minnu ye u te wusuru sara a si kelen na. Jula fen o fen ka julaya sebenw dafalen don a dama ka kan olu la. Nka songo ninnu sigira ko ni malo nana kana feere ka

teme olu kan, jula bee b'a bolon bila o seben na k'a b'o labato.

Minnu be na ni malo ye, olu b'a di dogodogonin feerelaw ma doreme 66 a kilo kelen. Olu fana b'a di a sankadunbaaw ma doreme 71. Jula minnu be taa malo jini kokan, u fanga mana se ka na ni hake o hake ye, wusuru te mine u la yanni ka sarati dalen dafa. A kera malo ye o, a kera kaba ye o, a b'o cogo kelen na.

Nka julaw k'u hakili to a la, balokogeleya b'an kerfajamanaw fana na. A juman ye u ka taa malo ni kaba jini u sorojorow la. An be don minna kaba songo yelenen don. Ode koson sisemaralaw be kule la. Ofana kelen be ka sefan ni sisem songo yelen. Sabula sisew balo ye kaba ye.

Dusu Jire / Dokala Yusufu Jara

Sariya tara angere numan ladonni na Mali kono

Jamana yiriwali ntuloma numan do ye sene ye dunkafa sabatili ani nafofolo siratige la.

Poroze min be wele «PDES» o kuntilennaw b'o kofo walasa k'o kuntilennaw in waleya, jamana nemogowhami ye suman toni miliyon 3,9 min be soro k'o se toni miliyon 10 ma san 2012 sene kanpani na. O be ke ni nafofolo, baarakeminan nemamaw ani senekela hake cayali ye, ani ka sene soro don ba la.

Sene soro dun te se ka yiriwa ni angere numan te senekelaw bolo. An be don min na togoduman te angere kan. Mogob'a fo k'u manji. Osiratige la, sariya min tara sene kecogo (taabolo) kura la, o laniniw sera

waleyalu ye. Cakeda min nesinnen Afiriki sene soro yiriwali ma n'o ye «AGRA» ye, bolodinogonma b'o ni Mali seneko nemogoso ce. Sariya N°008 min tara angere segesegeli liko la n'u ka ni walima n'u manji; Mali sonna a waleyalu ma san 2008 feburuyekalo tile 28, k'a waleyalu dabaliw fana tige. A ben'a to angere fen o fen be ladon Mali kono, a ka soro u be sariya dafa, ka sira da angere kolon dilanbaaw n'a feerebaaw ne. Dow yere be kilo hake do seben u ka angereborew kan kasoro u girinya t'o bo.

Angere segesegeli sariya mana labato, wajibi la julaw be angere numan jini ka ladon jamana kono.

Nka segesegeli in musaka be se sefawari miliyon 200 ma. N'o segesegeli minnew songo ani segesegeli musakaw ye. Mobili kura minnu be san a baara kama ka fara segesegelikew kalanni musakaw kan, min bee be miliyon 200 folen in na.

Baara werekofolen don minnu waleyalu bolodalen be angere segesegeli kama u numanko ni jugumanko la. Falenfenew ka banaw donbaaw kalanni; angere feerelaw n'a sanbaaw kunnafoni n'u lafaamuyali ani segesegelibaraw kolosili n'u kiimeni.

Sidi Yaya Wage
Dokala Yusufu Jara

Kunnafoni Surunw

Furu ka baara: Furu ka baara ye dumuni minnu be jigin a kono k'olu bayelema. Dumuni bayelemani furu fe, o kuntaala b'a ta lere 3 la ka se 7 ma. Furu dan ye dumuni sili ye ka ke degaji ye, kasoro k'o lateme nogo ma.

Foolo: Foolo ye kuru ye, min be bo mogo kan koro. A be mogo miliyon 800 na dije kono. Mogob'a fofo ye ciyen ye. U b'a soro u bennaw fe. Foolo ka telikomo k'ona minnu min'e obedon. I b'a kan momo k'a nkoon kurusigiyorow laje. N'o kuru kelen kelen kajni bokoninba kurulaban ye, o b'a jira ko foolo be son ka bo a la. Sonninfara be bolokonin kuru laban minna o ko don. A tigi yere bolokoninba fana de ko don. Foolo dowo te bonya, nka min be bonya, o be i n'a fo a k'a tigi ninakili degun.

Lakoliko geleya kelen be patisakana ye

Lakoliko geleyalenba don Mali kono. Ne be hamia ko la kosebe. Folokalansow tun ka janlakolidenwna, karamogow te bera ye. Kalan be ke ka ne, seereyasseben (dipulomu) numanw be soro. Nka nin bee ye waati jan kow ye. Bi-bi in na, kalansow ni karamogow hake be jini ka caya ni jamanaden to yere hake ye. O kelen be ko wera ye. Sabula a n'ageleyawdon. Faamaw, n'aw ma feere teliman jini lakoliko la, faantanw be jini ka somi jamana in lakoliko taabolo la. Kenyerew be ka lakoliw jo nafolotigivedenw kalanyoroko kama. Faantanw sominen don a la, k'o waleya in b'i n'a fo nengo saba ka sanutomo misaliya.

Ka nengo saba to dugutaa do la, u ye sanubara do tomo sira fe. U surunyalen furanceladugu do la, u ko nogen ma an k'an sigi nin jiri in koro yan k'an segen lafje. Bee n'a naniya be nogen na. Mogo kelen ko yanni o ce, ne be taa dumuni jini dugu kono ka na an k'o dun. To fila ye sira dia ma, ka soro ka janfa siri ko ni dumuninina in nana, u k'a faga ka dumuni ke. N'o kera ko sanu be ke u mogo fila ta ye. Dumuninina yedumuni min soro dugu kono, o y'a fa o la folo, ka soro ka fura ke a to la. Ale fana y'a ka janfa siri, ko ni mogo fila ninnu ye dumuni ke, olu be sa. N'o kera ko sanu be k'ale kelen ta ye. Tuma min na a sera ni dumuni ye a tonogen ma,

mogo kelen bora a kofe k'a kunci. Olu ye dumuni ke u fila bee fana sara. Naniyajuguya kolokera ninye. Nengosaba naniya labanna ka k'u kalan ye.

Jamana o jamana na ni dipulomubatigiw (nengow) kera faamadenw ni nafalobatigiw denw ye, ka faantandew (nengow) k'a dipulomuntanw n'a dipulomunitigiw ye, setigwi be dan kari faantanw ka hake la. U tu gasi sigi. A laban o jamana be lasegina marabaa jugu koro (nengow) ma.

Faama ni faantan si ka lanini t'o ye Ala k'an ka jamana kisi k'a tanga o ma. Usumana Kamijan ka bo Bonbori, Sare, Lowomi-Gewu komini na Bajangara Moti

Geleya kodan ye wulakonodugu ta ye

Anw b'a men, an b'a ye, ko okutoburukalo ye nogondemekalo ye Mali kono. Bee b'a don, ko faantanw be wulakonodugu la ka caya ka teme dugubaw kan. Duw be wula kono, hali jere doreme muganna te soro olu bolo ka ke na na. Anw balocogo man ni wula kono, an feerebocogo n'an siyoro si man ni. Anw te ji saniman soro ka min. Geleya kodan, o be kolesi wulakonodugu la. Kalanko ye bee hamina ye; nka geleya koson, denmansaw b'a fe ka dese udenw ka kalanw musakaw la. Kalanso joli k'i jo n'a karamogoko ye, o se te dugu bee ye wula kono. Anw b'a jini jamana nemogow fe, u k'u janto wulakonomogow la nogondemekalo ani san waati bee la. Mogo bee te se ka ke duguba sigibaa ye.

**Yakuba Bengali ka bo Nolonebugu,
Dogoni komini na Sikaso**

Poyi : Fasokan

Mogo te ke fosi ye i yere ko. Bolokonomogoya yedansirala ye;

Wa dasirala yere te wolo fosi la jonya ko.

Jonya nogen kojugu te dugukolo kan, O jonyajuru de b'an kan na bi in na;

O sababu ye fasokan kebaliya yebaarakeminene. N'i ko sigi ka diya fo an ka : Sebenni yiriwa fasokan na Ka jate ani jatenini sankorota K a d u g u k o l o k a l a n , k e n e y a k a l a n , m a r a c o g o k a l a n , hadamadenya dulonnen be kalan o kalan na:

- Kanin kelen - kelen kalan an ka kalansow kono n'owaleyera :

- Kenye be sabati, n'o sabatira

Soro be yiriwa, jinini be ke Soro balofara be caya ka sinsain.

Lajni be sabati.

Jonyajuru be tige.

Patisakana be don tariku la, yerewole be barika da.

Yeremahonronya be da kene kan.

Wayeredon be jonjon ta.

Taara - taare be fo.

**Musa Kone Zafukuntigi Ofisiri
la Segu Soke Sekiteri la
Negejuru sira: 66 80 44 29**



Yaya Mariko

mago te denbaya kunko la.

Ce dow ka fajiridalaboli ni saafoladonni fe, u n'u denw te nogen ye kuma te k'u billasira ni hakilila numanw ye. O den mana tine faamaw no fosi t'o la.

Den caman tinen be bo dukonka se kalanyorla n'a jogo jugu ye. Cew, denbaya magonini mana ke cogo o cogo la, a'y'a jilaja a' n'a ka denbaya ka toka sigi ka waati jank nogen kan. I denw ka to k'i ye tile fe. Ni min man kene i n'o don, ni min be sira jugu fana kan in odon. Cemusotigi man kan ka bo a ka du kono i n'a fo ce ganan.

Ne be se ka denw kunko minturu da musow kun, u'y tununni ye. N'i ye Arajow lamen, don o don denw tununni kibaruyaw be fo. Nka i ta men k'a si ye faamaw denw ye.

Dutigiw, a' be ka janfa kolo min sen, n'aw ma ne wera yelema a laban a' yere be jigin a kono. Ce ni muso fila bee dama ka kan du marali la.

**Yaya Mariko
ka bo Senu Bamako**

Negejuru sira: 69 59 23 10

Jiribatige be kungo halaki

Jiribatige kasaara ka bon; a be kungo halaki, ka jamana soro nagasi. An ka sigidaw la bi, jiriba dogoyara, k'a sababu ke jiritigeba ani sarabonbo ye.

Jirimasa fosi t'an ka sigidaw la tuguni; kasoro olu tun joyro ka bon sigidalamogow bolo. Yoro caman taamasiyennan tun ye jirimasa ye. Kungo masiriw fana tun don. O jiriba ninnu de tun be neema lase jiri misenninw ma; ani k'u lakana fijebaw tooro ma. Kungosogo caman basigiyoro tun ye jiribakorlawye. Jiritigeba kera sababu ye ka jirimasa silatunun. Kabini o kera, kungosogown kono misenwy'utaayoroni. Hadamaden kera a yerema jugu ye. Jirimasa banna, jiko geleyara, senekedugukolow nafa dogoyara, bagandumuniko fana geleyara. Dognibaaw y'a jira ko sanji be na jiriw ni dantafen koson; n'olu te yen bilen, wajibila an be fama sanji nafama ma.

**Isa Jalo ka bo Kodugu, Dugabugu komini na Kati
Negejuru sira: 66 59 70 59**

Poyi : ORTM

I ni ce ORTM.

E kera Nana ye,

I kera nanatigi ye,

I kera dannafen ye.

ORTM bolofaraw be ka

caya jamana kono.

K'a ta san 1960 la ka se

2010 ma,

I fana ye bebelebe ke san

50 ko la:

Bakari Danbelé ka bo

Sikaso Wayerema 2 la

Denw ladamuniko numan da ka di mansaw la

Kuma do b'a la ka fo mogow fe, ko bidenw tijeni, ko faamaw no b'o la. Ne ma son o hakilila in ma; sabula faamaw no b'a la ka da kun min kan mogo si ma soro k'o walwalan ne ye. Eyi muso furu ka denw soro, faamaw ma bo o kalama. I ma son k'olu bila sira numan kan fo k'u to bajanbila la sigidaw la. Bikibipank'icunko faamaw no b'e den tijeni na!

An k'a don ko den tjeni n'a tijeni bee sababu ye dukonona ye. An labanna kokura ka den tijeni kala da musow kun; sabula k'olu ta

ye dukonona ye ka teme cew kan. O ye musow nogenkan ye; o kuma in ni tijen ka jan nogen na. Munna ce ni muso mana kele o be muso gen ka bo du kono? Ni ce y'a ban a denw ladamuni ma fo k'a ke so o i ka musokojuru ni denkojuru minnu tun be ne na olu file nin ye, a daga kolon be ci i dala. Hali n'i be bo du kono fajirida fe ka don saafo fe, n'i m'i jo i joyro la ladamuniko la ijalaki don bs. Ce dow den be bana fo ka taa a fatu, k'a soro muso kelen de jolen be n'a furanini ni furakeli wulikajow ye, a ce

Jeges songo geleyara

Manogo kilo kelen songo sera d.900 ma sirakoroba sugula kari don feburuyekalo tile 6 san 2012, Cekurulen kilo garamu kelenfeerela d.900la. Sirakoroba yeduguye, minbe Masantola Komini na Kolokani serikili la.

Sirakoroba sugu be jo, yoro caman mogow fe, i n'a fo : Kolokanikaw, Bananbakaw, Kulukorokaw, ani Sirakorolakaw. Ne Mamadou Jara be kunnafoni jonjon jini jeges songo geleyara kan. Monikelaw ka tonw k'u jija ka kunnafoni di mogow ma jeges songo geleyara kan.

Jeges songo ma deli ka se ni ma Mali jamana kono folo. N'o y'a soro u be se k'a kunnafoni di kibaru la.

Jeges ye fen ye, min joyro ka bon kosebe balo demeni na. Mogo koro ka caman be jeges dun, olu te misisogo dun.

N'o y'a soro jamana nemogow be takisi mine jeges baaralaw bolo, nemogow ka jeges takisi noga, walasa mogow be jeges soro noga la Mali kono.

**Mamadou Jara Balukalankaramogo ka bo Piseribugu
Masantola Komini na Kolokani Serikili.**

**A' b'a' ka batakiw , a' jaw an'a ka telefon
nimoro ci nin aderesi in na :**

Kibaru BP 24 Bamako

Kalankene n° 116nan :

Hakilijagabo suguya filanan : Nébila kécogo

An y'a jira k'a fo ko hakilijagabo suguya filanan na, a bëjini kalanden fe a k'a fo «ow» ka tila k'u fo «ayi», ka tila ka «ow» ni «ayi» bolo don nögön bolo. O koro ye ka sónsira jira, ka tila ka bansira jira, ka tila ka sónsira ni bansira kalanso nögön na. O koro ye ko tñe be, tñe wëre be, ka tila ka tñe fila bolo don nögön bolo.

An y'a jira k'a fo ko hakilijagabo suguya filanan ye bërebenni hakilijagabo ye, k'i sinsin cemance kan. O hukumlu kono, hakililajagabo suguya filanan dakun saba kérénkérénnen don : a nébila, walawalanni ani kunceli, olu kérénkérénnen don bawo u ni masalabolo suguya tow taw sëbencogo te kelen ye. An ka nébila ta k'a laje.

Nébila :

Nébila la, walasa a ka don ko kalanden ye hakilila folen in faamuya fo taabolo kofolen saba ninnu ka dantige a kono : owo, ayi, an'olu bolo donni nögön bolo. Taabolo 3 minnu be nébila kono olu file :

- a - Min fôra hakilila kono tigiti
- b - E yere ye min faamuya o kofe
- c - Nébila

Kolosili : An y'a fo ka teme ko hakilijagabo nébila be laban ni nininkali ye walima nininkaliw. O nininkali, walima nininkaliw jaabi de

bëna walawalan kofe.

An ye hakilijagabo suguya filanan misalinaani minnu di kibaruteménen kono an ka misali kelen ta olu la, k'a laje k'o nébila laben.

Misali 1 : Kungotijé nögön yéretijé te. E ko di o la ?

An be nébila taabolo saba dantige :

A - Min fôra hakilila kono tigiti

«A jirala hakilila kono ko mogo min mana kungo halaki, o baasintan te ale yere ma ani mogo tow.

B - Min faamuyara o kofe

Ne ye min faamuya hakilila in kono okofe o ye, tñe don kungo tñeni man ni, a kera i makonetola ye walima kasorø i m'i tugu. Nka kungo tñoboli an'a bayelemani k'a ke i sago ye, k'i balo n'i ka soro bo a kono, hadamaden te se ka ne o ko, n'o te a te balo (owo ani ayi).

Danfen minnu be balo kungo la olu ka ca waraw, sogow, pankamanaw, fofodugumaw, ani signifew, olu si te kungo tñe fo hadamaden. A ka ni hadamaden fana ka kungo lakana a makonetola.

C - Nébila

Ola kungo tñeni ye yéretijé ye, o be se ka ne o kofe cogo di?

O kofe ni kungo tñeni sa te, hadamaden ka kan k'a hakili to mun na walasa k'a no ladilan?

Kolosili : Walawalanni kono, nin

jininkaliw be jaabi, k'u tñeme, k'u sinsin ni misali caman ye.

Nin nébila in ye kibaruteménen kono an ka misali kelen ta olu la, k'a laje k'o nébila laben.

Misali 1 : Kungotijé nögön yéretijé te. E ko di o la ?

An be nébila taabolo saba dantige :

Nébila :

«Ne ye min faamuya hakilila in kono o ye, tñe don kungo tñeni man ni, a kera i makonetola ye walima kasorø i m'i tugu. Nka kungo tñoboli an'a bayelemani k'a ke i sago ye, k'i balo n'i ka soro bo a kono, hadamaden te se ka ne o ko, n'o te a te balo (owo ani ayi).

Danfen minnu be balo kungo la olu ka ca waraw, sogow, pankamanaw, fofodugumaw, ani signifew, olu si te kungo tñe fo hadamaden. A ka ni hadamaden fana ka kungo lakana a makonetola (owo ni ayi bolo donni nögön bolo).

Ola, ni kungo tñeni ye yéretijé ye, o be se ka ne o kofe cogo di?

O kofe, ni kungo tñeni sa te, hadamaden ka kan k'a hakili to mun na walasa k'a no ladilan?» (Nébila)

Mahamadu Konta

Dukene n° 91 :

Sojo yamaruyasében

Mali sariya la, sojoko la, joli yamaruyasében ka kan ka jini sojo ka damine.

Yamaruya nininisében be ci sigida méri ma. Tenburu be nöro o la min songo ye keme ye.

Dugukolotigi togo n'a jamu a ka baara, a ka jamana, a ka aderesi mumé be ke nininisében in na. Joli be ke yorù min na, o be pereperelatige, ani joli suguya min bëna ke. Joli kunw an'a kécogoya, fo ka se a nafolo hake ma, o bëe be ke sèben inn na.

Dugukolo tigya dantigera ni sèben min ye, o fana be fara nininisében in kan.

O kofe, sojo féesesébenw (Meri be ou pereperelatige dugukolotigi ye, ou bëe be fara sèben fôl' ninnu kan.)

Meri be sèben mumé bila ka taa marabolo sojo cakeda la, o b'u féesesé. N'u ka ni, yamaruyasében be laben k'a ci Meri la tile 35 kono. Nka a ka ca a kalo 2 ka se 3 ma, sarati bolodalen te teme o kan.

Sèbenw ninini songo ye ba fila ye. Joli yamaruyasében si hake ye san kelen ye.

N'o temena i be taa a lakuraya, n'o te fu b'i bolo.

Mahamadu Konta



Karamogo Daramani Taraweile

U miiriya ye mogo kana fisaya n'olu ye.

Nengoya te o bo, hasidiya ma teme o kan.

Nengoya n'o ye hasidiya ye, a be hadamaden hakili tñe. N'o te, ni faama ma ke nengo ye, a ma ke hasidi ye, a be son k'ale ni fanga ka kan cogo min, a bennet don mogo wëre la ten. N'o kera sira fen o fen be na ni a mineni n'a lajabali ye, a b'o bila k'a yere tanga malo ma. Nengoya be malo lase mogo ma.

Hasidi ye mogo malolen ye.

Ninnu kono, nengo sago te ke. O koson, hasidi ni dusukasi te ban, a ni dimi te ban barisa a sago te ke. Hasidiya te fen je, hasidiya kun te.

Karamogo Daramani Taraweile
Ladamuni II (Hineñögönna)

Maakorobaro :

Juguya ni hasidiya

1 - Juguya

Amadi te mogo son, o ye juguya ye.

Zumana te hine, o ye juguya ye. Isiyaka be nimafen nani, o ye juguya ye. Mamutu be mogow Koniya, o ye juguya ye. Burama be mogow hasidiya, o ye juguya ye. Buba te mogo fe, o ye juguya ye. Umaru te mogo mago dilan, o ye juguya ye.

Nin wale ninnu kelen-kelen be juguya taamasyen ke hadamaden jogo ye, hadamadenya be jogo min keli bawo jogo in man ni. Juguya ye wale ye min be dimi, tooro, hake do lase hadamaden ma, a kera min na. O tooro n'o dimi be na ni dusukasi ye walima dusutijé min be se ka laban fitine ma, bolo te se ka min ben. O koson, mogo ka kan ka siran juguya keli je.

Nafa si kelen te juguya la ko juguya kebaa b'o de soro. Mogo sónbaliya, hinébaliya, nimafen nani, mogo koniya, hasidiya, mogo langoya fo ka se. Mogo magodilanbaliya ma, tooro te ninnu si kelen na, ni mogo be se ka i kun körta ni min ye. O de be juguya ke wale ye, wale min be mogo kun suuli. O jelen don, bawo

ko min te kunkorotako ye, o ko ye kunmasuuliko ye. Kunmasuuliko be hadamaden lagosi, a be a danbe bo a la, a be a ka hörönya bo a la, a be a bo dala.

Ni juguya be ninnu be se lase hadamaden ma, juguya kun te, mogo man kan ka juguya ke. Mogo man kan ka juguya, bawo sara te a la, tono te a la. I be juguya min ke, n'i y'i miiri ko o juguya kelen be i tooro, a be i dimi, a be digi i la, a be i dusu ka si, a b'i dusu tñe, a b'i nénakin, a b'i fujunu, i b'a dón k'i man kan k'a ta ka mogo wëre segeré.

O bëe be na ni hadamadenya geléyali ye. Hadamadenya geléyali te fosi je, n'a ma tñe ni ke, a te jeni ke. Nin bëe de b'a jira ko kun te juguya la.

O tuma, an ka siran juguya je. N'i ye juguya ke i mogo nögön na, i be sigi a kan ko a nögön be sara i la : danfenjugu, n'a ma falen i jena, a be falen i den jena.

2 - Hasidiya :

Hasidiya ye hasidi ka wale ye min kono a be tñeni lase a mogo nögön na walasa o kana ku ale la sango ka fisaya n'ale ye, nengo don. O tuma, hasidiya ye

nengoya ye. Nafolotigi t'a fe mogo wëre ka nafolotigiya ka fo ale ta koro, ni se b'a ye don o don do be fara tegelankolonw ka segen kan. O misali do file nin ye : folo, mobili misen caman de tun be Mali dugubaw ni nögön ce ka taamaden ta ko «takisi».

Nafolotigi dòw ye mobilibaw san ko «karew» k'olu bila mogo doni na duguw ni nögön ce fo a dòw y'u kanto ko takisitigw be segin sene ma.

Juguya be nafolotigiw ka wale kelen koro, bawo a mana laje cogo o cogo, karetigw n'o ye nafolotigiw ye, olu de be taamawari bëe saalo ka ton u yere koro ka do fara takisitigw ka segen kan. Nin juguya togo ye nengoya, hasidiya. Nka an be don min na i ko bi, kare caman ma sira soro.

A be se ka fo ko takisitigw be u diya ni a karetigw dòw ye. Nengoya be mogo ta tñe, hasidi te here soro.

Misali wëre file nin ye : n'an ye fangayéléma caman laje, i b'a ye faama caman te fanga bila ni jamanaden caman ni ma to a la. Nka o si te u mineni n'u lajabali bali. U te son ka taa nögoya la bawo u t'a fe mogo wëre ka sigi fanga kunna.

Ninnu kono, nengo sago te ke. O koson, hasidi ni dusukasi te ban, a ni dimi te ban barisa a sago te ke. Hasidiya te fen je, hasidiya kun te.

Karamogo Daramani Taraweile
Ladamuni II (Hineñögönna)

Dane sure ka ca Bamanankan na (tɔ)

Bamanankan na dane sure caman be yen, minnu buruju ye larabukan ye. A dɔw n'u kɔrɔw file Elihaji Modibo Jara fe :

Abada = kudayi
Ala = Ala, Ngala
Alihaji = Hijiden
Alijine = Nakɔ
Alimami = nɛmɔgo
Alikaama = Alikaama
Amin = Ala k'a jaabi
Alikiyama = Jɔ
Arajaba = Sefancekalo
Amiina = Ala k'a jaabi
Alamisa= Don duurunan
Araba = Don naaninan
Arakan = Kunberemine
Aw bisimila.= Ni Ala tɔgo ye
Baabu= Bonda
Baasi = Ko bilen
Baliku = Ce selen
Balawu = Kɔroboli
Bani Sirayila = Isirayila denw
Baatara = Manamana
Bagalen = Sofali
Bataki = səben
Bato = Bato
Barada = Tedaganin
Barika = Hère

Bawuli = Sugune
Bidaya = Ko kura
Bilahi = Ala la
Daaba = Taamabaa
Daamu = Sifile
Dabali = Fɛɛre
Dajaali = Dajaali
Dahiriime = Wariw
Dalilu = Kɔrɔmasigi
Daraja = Jɔyɔrɔ
Darura = Sentanya
Dawula = Mununmunun
Dɔrɔme = Dɔrɔme
Degun = Cɔrin
Dugawu = Wele
Dume = Toli (ka to)
Dunuya = Surunman
Durusi = Kalan
Faamuya = Sidɔn
Fatu = Saya
Fajiri = Kenebonda
Fatawu = Dayeɛ
Farati = Dantɛme
Farida = Diyagoya
Fasigi= Mɔgɔ tinenen

Fayida = Nafa
Faniya = Nkalon
Fujunu = Nisongoya
Fululu = Haramufen
Fitiri = Findonda
Fitine = Kɔroboli
Fisabilila = Ala ka sira kan
Galabu = Se-n-na
Garijɛgɛ = Sɔrɔ
Gerebu = Sure
Hadari = Nanen
Haja= Hijiden
Haramu = Balilen
Hake = Ka kan
Haya = Taamasiyen
Hawuja = Wulili
Halala = Bennen
Hadiya = Sonni
Hami = Dusu
Halaki = Saya
Haliwa = Takalagomi
Hakili = Jan
Hasidi = Jɛnɛgo
Hariri = Ntumuforokofini
Iriba = Labugunni

Jiné = Dogolen
Jenɛya = Jatoya
Jufa, jufɛ = Sanyerema
Juma = Kafodon
Jumuhamaru = Lahoroma
tigilamɔgɔ
Jurumu = Ùama
Jiidi = Bugunni

A tɔ bɛ bɔ Kibaru nataw kɔnɔ

Kuran sarabali

Kurankogelεya be diŋe fan bɛɛ, sango faantanjamanaw kɔnɔ. Galoduguba dɔw bɛyen, Maniyi, Iriyo an Ùudeli, olu faantankinw na, sigidalamɔgɔw be ka feɛre dɔw sɔrɔ u yɛrɛ ye kuranko la.

O feɛre in ye ka ji ni zaweliji ke litirifilabidɔn manalama do kɔnɔ k'a sigi u ka so sanfe tile fe, ka negejuru don o la ka jigin so kɔnɔ. O be ke sababu ye ka anpulu mɛnɛ so kɔnɔ min fanga ye waati 50 ye. Nka o feɛre in te ne ni tilefela tɛ.

Kabini wolosebɛn kera fuye a sɔrɔli ma nɔgɔyɔrɔdɔw la bilen

Den bangera so o, a bangera dɔgotɔrɔso la o, a ni wolosebɛn sɔrɔli ka kan. Wolosebɛn ye den ka hakew do ye.

Min nininen don mɔgɔw fe, u k'a to muso kɔnɔma ka taa peseliw la fo ka jigin dɔgotɔrɔsow la. Muso kɔnɔma lamarali so kɔnɔ fo k'a jigin yen, o farati ka bon. A ka teli ka na ni kasara 3 ye bolo tɛ se ka minnu kunben. N'i ma bɔnɛ i den na, i be bɔnɛ i muso la walima i na bɔnɛ i bolonafolo la. Bɛɛ la den n'a ba ka kenyako ke i kunko ye.

Anbedon minna, nafaba be səben na. Misali la ni səben t'i ka nafolo la, a tigiyi seereya t'i bolo. Ni səben t'i ka du la duguba kɔnɔ, a tigiyi seere t'i bolo. Ni səben t'i muso la, a tigiyi seere t'i bolo. Ni wolosebɛn t'i denna, a tigiyi seere t'i bolo. Fen kofɔlen fen o fen mana tunun a tigi la kasɔrɔ

səben nafama t'u la, a ka gelɛn fanga k'i dɛmɛ u ninini na.

Mali ye sigikafo ani nɔgɔndɛmɛ jamana ye. Walasa ka denmansaw dɛmɛ u denw ka wolosebɛnko la, gofɔrenaman ye wolosebɛn kɛfuyen i den si hake tɛ tɛmɛ tile 30 kan. O waleya in matarafali kama, gofɔrenaman be səbenba di meriw ma; n'o ye erezisitri ye. Wolosebɛn be dilan n'o de ye. O siratige la wolosebɛn be dilan ka kɛ 3 ye. Fɔlɔ be di denmansa ma fula. Fila min be fara o kan a b'ɔ wari sara. N'o ye dɔrɔme 20 ye. O de kosɔn den min re tɛmɛ tile 30 kan, o wolosebɛn dilansara ye dɔrɔme 40 ye mericaman na.

Den minnu si tɛ tɛmɛ kalo 1 kan n'o ye tile 30 ye, yanni olu ka wolosebɛn fɔlɔ ka di fula, wolosebɛn sɔrɔli tun ka nɔgɔ meri la. I na fo Yasa

Tarawele y'a jira cogo min na. Ale ye Sègè ASAKO nɛnabɔlikulu kuntigiye. Ale ka fo la, dɔgotɔrɔso tun be dɔrɔme 90 minɛ denmansa bolo wolosebɛn kunkɔrɔ. Dɔrɔme 20 be ke wolosebɛn sɔrɔlisɛben labensara ye dɔgotɔrɔso fe. A tɔ dɔrɔme 70 tun be taa di meri la wolosebɛn dilansara ye. Meri mana tila a ka baara la; o be weleli ke wolosebɛn mineni kama. Dɔgotɔrɔso fana be wolosebɛn kelen - kelen don letereforokow kɔnɔ k'a cidenmansaw ma u ka duguw la. O ye den minnu bangera dɔgotɔrɔso la.

Nka kabini wolosebɛn fɔlɔ dili daminena fu la, gelɛya donna wolosebɛn sɔrɔli la. Yasa Tarawele y'a jira ko dɔgotɔrɔso be dɔrɔme 40 dɔrɔn de minɛ denmansa la ka da wolosebɛn dilansɛben kan ka ci meri la. An be don min na dekilarason ka kɛ minbetaa bila merila wolosebɛnko kama, o be tɛ dilan ka sɔrɔ nɔgɔn fe bilen. San yɛrɛ labanwaati la, wolosebɛn dɔw tɛ sɔrɔ fiyewu. Yanni utile 30 ka dafa. A be fo o tigilamɔgɔw ye ko a be dilan kiiriso la. U dun ka dekilarason cira denkundi no gɔnin na. Mun de donna wolosebɛnko la sisian?

Sanbala meri la muso min nesinnen wolosebɛnko ma, o ye Madamu Siga Kane ye. Ale ye jaabili ke. A y'a jira ko dekilarason ka kɛ min be di de olu ma, o be tɛ dilan. Nka a ko san labanwaati la, Jijenin Komandan walima kiiritigela bɛna wolosebɛnko səbenba baaraw lajo fɔlɔ. N'o y'a sɔrɔ den fen o fen tɔgo ma səben o səbenba in kɔnɔ, olu ka

wolosebɛn tɛ dilan tile 30 sarati taw cogo la bilen. A be nini o tigilamɔgɔw fe u ka taa u ka wolosebɛn nini kiiriso la. Dɔrɔme 40 tɛ wolosebɛn sɔrɔ o la; fo n'i ye dɔrɔme 1.500 sara. Madamu Siga Kane ka fo la, tuma dɔw la səbenba be ban. Meri be se ka mɛen kasɔrɔ a ma dɔwɛre sɔrɔ fo n'a y'a san. A k'o furancé de la wolosebɛn dɔw be mɛen kasɔrɔ u ma dilan.

Yasa Tarawele y'a jira ko an be don min na Sègè ASAKO ka dekilarason hake min be Sagabala meri la n'u ma sɔrɔ fɔlɔ, a ka ca kalo 4 fo 5 ye a be se kɛmɛ nɔgɔnna ma. Sanga ni waati bɛɛ la denmansaw bɛna dɔgotɔrɔsow kani u denw ka wolosebɛn na.

Ngfɔli mana ke u ye cogo o cogo, u b'a fo k'u tɛ meri dɔn, k'olu y'u ka wari de bo:

ASAKO nɛnabɔlikulu mɔgɔw bɛnna a kan, u ka dekilarason don denmansa bolo, a yɛrɛ ka taa a den wolosebɛn nini meri la.

Jateminne na tuma min na sɔngɔ jɔnjɔn tun ma sigi wolosebɛn sɔrɔli musaka la gofɔrenaman fe, a sɔrɔli tun ka nɔgɔ a dilanyɔrɔw la; a tun be sɔrɔisagolawaati la. Denmansa hake min tun be kaariya ka taa wolosebɛn nini a den ye, o koni tun ka dɔgɔ k'a sababu a musaka cayaye. Wolosebɛn be dilan səben min na, gofɔrenaman b'ɔ kelen - kelen di meri ma dɔrɔme 5; a cayalenba ye dɔrɔme 10 ye. O de kosɔn a ninina meri fe, n'ub'a kɔsegin demansaw ma, u kana tɛmɛ dɔrɔme 20 kan.

Dokala Yusufu Jara

Kunnafoṇi Surunw

- **Jigiinni kofe basibɔn:** Basibɔn be muso sɔrɔ jiginni kofe. A kuntaala be se ka tile 15 sɔrɔ, nka a be laban ka jo. Dɔw b'a wele bangenugunɔgɔbɔ. Jolisuw, tonso buruburuw wolonugu nɔgɔ wɛrew be basi bɔnta in na. O basibɔn min be jiginni kura sɔrɔ, a tile 3 walima tile 4 fɔlɔ de ka jugu. Fo a be muso dɔw nɛna ko laada cunnen don u kan. Dɔw ka basibɔn tɔnin be se ka kalo kelen dafa u la. Muso minnu be sin di u denw ma kosebɛ, olu ka basibɔn kuntaala man jan jiginni kofe.

- **N'i t'a fe i ka komitɛre lamaralen ka falen:** Jiriden min be wele pɔmu, i b'ɔ den kelen walima fila bila i ka komitɛre cɛla a lamarayɔrɔ la. Nka a ka sɔrɔ yoro jalan dibima na. A ka ke nɛɛmamayɔrɔ fana ye min funteri tɛ tɛmɛ degere 10 kan. Obɛɛ la n'i y'a kɔlosi ko komitɛre dɔw be ka falen, i be falenkun ninnu bɔ n'i bolo ye. O b'a to falenni in kana komitɛre tɛmɛ. Walima fura minnu be sənenfen lamaralen bali ka falen, i b'ɔ fiye a la. Nka i b'a fiye ni hakili ye, pɔsoni in kana a bali ka dun.

Mogo caman te basiketi kecogow don

Hali n'o y'a soro ntolatan de fanga ka bon ka teme farikolojenaje bese kan an ka jamana kono, basiketi ye kunnawolo min lase an ma o de ka ca. Nka mogo caman te basiketidon, a kecogow n'a sariyaw, an'a keyorow. O koson an b'a fe ka kunnafoni dow di a kan walasa kibaru kalanbagaw an'a kanubagaw k'a don basiketi ye min ye, ka fara a lafasabagaw n'a kebagaw kan.

Basiketi be ke ni bolow ye, sen te ke k'ale tan. A be fili jogon ma ni bolow ye. A tun be se ka fo a ma bololantolantan nka «woleboli» ani «Handiboli», olu fana ye farikolojenaje suguya daw ye minnu be ke ni bolo ye. Okoson, an ye dan



sure ta k'a wele n'o ye, n'o ye basiketi ye.

Tuon min don, a bangera Lamerikenjamana kan kabini san 1891. San 2007 a kebaga hake tun yemiliyon 450 ye dijne kono. A kebaga ka ca cew la cogo min, u ka ca

musow fana na ten.

Tonba min sigilen be dijne basiketiko kunna a be fo o ma FIBA.

A ka ca la, basiketi sebe-sebe be ke farikolojenajekeyoro kono min birilen don, nka a be se ka ke kenema fana. A be ke kene min kan, o sumadaw ye: jojan, metere 22 walima 29; jousurun metere 13 walima 15. Basiketi, k u r u d o n y o r o penpennen be kene in

jousurun filace mance la k'u jesin jogon ma.

Kurudonyoro in ye nege koorilen do ye jorin do sirilen be min a. Ni basiketi ntola donna o fe ka jigin, oye kuru donnent ye. O kurudonyoro in ni dugukolo ce ye metere 3,05 ye. Kuru

kelen mana don, basiketi la, o be jate puwen 2 ye, walima puwen 3.

Basiketikela be se k'i to yoro jan ka ntola fili k'a don, o ye puwen 3 ye. N'i y'i to yoro surun na k'a don, o ye puwen 2 ye. N'i be kurudonyoro kerefe, i b'i pan k'a don.

Basiketi ntola koorilen don, a ne ye woroji ye, a girinya ye garamu 650 ye.

Basiketi be ke kulu filia ni jogon ce. Kulu kelen-kelen bese be mogo 5 layelen. Nonabilabaga minnu be sigi kerefe, ni do sengenna walima ni do banana walima do te k'a joyero fa, olu be don, olu hake be se mogo 5 fo 7 ma.

Basiketi be ke sanga 40 kuntaala jenjen kono. O sanga 40 be tila waati naani ye. Waati kelen-kelen bese ye sanga 10 ye. Sanga 10 dafa o dafa lafijenbo be ke. Lafijenbo naani de be basiketi la.

Mahamadu Konta
A to be ba Kibaru nataw kono

Sida keleli te jo Tenenkun serikili kono

Dine tonba bolofara min jesinen be sida ma, o y'a jira a ka waati in na seereyasan kono, ko sidato miliyon 40,3 de be dijne kono. Miliyon 25,8b'la Afiriki Sahara woroduguyanfan fe.

O seben kelen in kono, a jirala ko Mali sidato ka ca mogo 100.000 ye jate in na. San 2005 konona na sida ye mogo, miliyon 3,1 faga dijne kono; miliyon 2,4 tun ye farafin ye o la. Musoni denmisennin fagalen de tun ka ca a la kosebe. San 2001 na, jateminew y'a jira ko mogo keme o keme, sida be mogo 1,7 la Mali kono; an be don min na mogo keme o keme sida te 1,3 la. Hali ni do be k'a bo sida fanga la dijne kono, o te Afiriki konona ye. Sabula Moti mara la, mogo keme o keme sida be 1,4 na. O ka ca ni Mali mumu sidato ye. Yerekunfeerela hake min ka teli ka sida banakise soro, keme o keme o be se 18,4 ma Mali mara la; kasoro jamana mumu yerekunfeerela keme o keme, 24,2 de ka teli k'a soro. Nin jate ninnu b'a jira ko sida fanga be ka bonya Mali kono ka taa a fe. Sida ye mogo minnu faw n'u baw faga olu ka ca; a ye mogo dama min fana n'a mansaw silatunun o

fana ka ca.

Tenenkun serikili kono Motimara ta, san 2011 zanwuyekalo n'a setanburukalo furance la sida banakise yera mogo 63 joli la; kasoro moti mara mumu kono sida banakise yera mogo hake min joli la o ye 3.298 ye. O yere ye dogotorosow ka jatew ye. An be don min na furaw be ka di mogo 70 ma. Muso konoma hake min b'ula, a banabaato n'a banakise, dogotorosow be k'u janto u la kosebe. O siratige la sida jolisegesegyoro do dayelela Jafarabe; laadiliw be ke yen mogow ka son ka taa sida jolisegesegyoro ke u yerema. Yoro 3 min tun dayelela Tenenkun dogotorosoba, Tenenkun dugu kono ani Jafarabe ta y'o dafa 4 na Tenenkun serikili kono; kasoro san 2009 waati la laadilikeyoro tun ye 2 doren ye. Tenenkun dogotorosobu y'a jira ko sengesegeli senfe n'a donna ko sida be mogo min fari la, dogotorosobu b'a jo n'a ka fura tata bese musaka ye.

A ka lajeli bese fana be ke fu la; fo n'a tigi ma na dogotoroso la saratiw la, ka kafonogonyabana tow fana furake.

Musa Danbelé / Dokala Yusufu Jara

Mogo miliyon 300 be Afiriki kono minnu te ji saniman soro

Afiriki mogo be ka sebekoro caya. O jamacaya koson jamanaw fana be ka ji saniman soro baaraw ke; kerkenkerennya la dugubaw kono. Jintanya te yen folo; Geleya be min na o ye ji saniman soro cogo ye. Ji hake min be soro Afiriki mogo bolokoro san o san, o be se metrekibu miliyon 5.400 ma. Kemesarada la ut doweren min san kono o la 4 ko. Nakosonjiw ni kurandijiw yere b'o metere kibumiliyon 4 na. O n'a ta bese Afiriki kono mogo miliyon 300 be yen minnu te ji saniman soro ka min halibi.

Afiriki yiriwali banki n'o ye «BAD» ye, Seringi Jabowri be baara ke yen. Ale ye jiko ani lasaniyalu jekulu yemogo ye. A y'a jira ko BAD ye dolariwari miliyon 700 don ji saniman dili dafe san 2000 ni san 2010 furancew la. Walasa Afiriki mogo bese ka se ka ji saniman soro ka min, fo dolariwari miliyon 15 ka soro o kama san o san.

Fee're minnu bolodalen don jiko la Afiriki sahara woroduguyanfan fe olu fanga ka dogo. Ji hake min be yen yoro dugu jukoro ani sanfe, kemesarada la o feerew tene se ka o doweren lase mogow ma 5 ko. Kasoro Afiriki kejekayanfan fe, olu ka feerew sirilenw be se kemesarada la ka 70 lase u ka yoro mogow ma; Dine tonba bolofara min jesinen be ke neyako ma n'o ye «OMS» ye ale ni tonba in bolofara min jesinen be denmisenninw kunkow ma n'o ye «UNICEF» ye, olu y'a jira u ka seereyasan kono, ko Afiriki sahara woroduguyanfan makoneji be ben 31 ma a ka dugujukoraji ni sanfeji mumuna. Afiriki kejekayanfan ta be ben 60 ma u taw la. O siratige la, a te ne fo wilikajo ka ke o matarafali la walasa mogo bese ka se ka ji saniman soro ka min Afiriki kono.

Jateminew kelen don mogo hake min

kan k'olu te ji saniman soro, lanini ye yanni san 2015 ce o tilance ka se k'a soro. Jama be ka caya; jamana bese ka kan k'o jama jesiji jiko jesini a tuma na. Donnibaaw y'a jira ko san 2012 ni 2040 furance la, Afiriki jama tilance ka kan ka fara a kan jama in kemesarada la 44 be duguba kono; nka yanni san 2040 ce 57 bena ke dugubakonmogo ye.

Afiriki kono jekulu min jesinen be jiko ma n'o ye «AAE» ye, o ni dijne waribonba be sengesegeli do la Afiriki jamana 30 ni ko faabaw kono. A kun ye ka dabali numan tige jisanimanko la san 20 fo 30 kuntaala, cakeda minnu jesinen ji sanniman soro ma, olu ka yelema numan don u ka baara kecogo la. U b'a kalanw ke. Jamanaw yere y'a faamuya sisan ko mogo man kanka sugandipolitikisira fe ka ke o cakeda ninnu mogo ye n'a douniya tu la.

Dokala Yusufu Jara

«AMAP» kuntigi
Solomani Darabo
kanw kunnafonisebenw
baarada kuntigi
Janze Samake

Kibaru

BP : 24 Telefoni: 20-21-21-04
Kibaru Bugufiyé Bosola
Bamako - Mali
Sebennijekulu
Mahamadu Konta,
Dokala Yusufu Jara
Labugunyoro : Kibaru gafedilan
baarada
Bolen hake 16 000

Jekulu min tun y'a disi da sorodasiw la



Paritiw ni jekulu bannenw ka laje

Hadamadenya sabatilijekulu mogow ni politikiton 40 nogen na faralen be nogen kan k'u disi da sorodasiw la, minnuye jamanakuntig. Amadu Ture ka fanga dafiri san 2012 in marisikalo tile 22. Uy'u kandi nogen ma sibiridon marisikalo tile 24 san 2012, baarakelaw togolasoba la Bamako. Cebilen Daramé, Kasimu Tapo, Hamidu Jabbaté, Hamadouni Diko, Musa Mara, Madamu Si Kajatu Sō, Usumani Si, Madamu Asikofare Ulematu Tanbura, Kolonel Yusufu Tarawele, Njai Ba ani Iba Njai b'o la. Ninnuye politikiton dōw nəməgōw ye Hadamadenya sabatilijekulu mogow tun ye Saka Jakite n'o ye Mali baarakelaw ka lafasalitōn «UNTM» sekeretéri zeneraliye, Madamu Umu Tarawele min ye musow ka jekuluba KAFO nəməgōye, Madamu Fatumata Sire Jakite, ka fara denmisēnjkulu dōw nəməgōw kan.

Nin jekulu min file k'a disi ka «CNRDRE» sorodasiwla n'o yefanga dafiribaaw ye, u y'a jira k'u naniye san 1992 feburuyekalo tile 25 sariyasunba labatoliye, fanga lasegin a demokarasi bolokorokan, sorodasiw be ka politiki nəməgō minnu minne k'olu bila, fanga dafiribaaw ka fanga bila ka segin u ka sorodasikanw kono, ben ni basigi sabatili jamana környanfan fe, jamanakuntigisigikalata keli teliya la.

Jekulu in b'a nini Maliden bēe fe, u k'u naniyaw ke kelen ye. Osiratige la, u ye biro do sigi mogo 25 b'o kono. Hadamadenya sabatilijekulu mogow 13 ani politikiton ka mogo 12. Usera ka jamaba labo ka fara u yere kan marisikalo tile 26. O benna Mali ka demokarasi sōrolen sanyéléma nənamayali ma. Mali ka demokarasi sōrola san 1991 marisikalo tile 26. O juguyara lakolidenw ma kosebe. O de koson Mali lakolidenw ka jekuluba n'o ye «AEEM» ye, o farala jekulu sigilen in mogow kan. Mogow tun be k'a seben fini jeman w kan, ko «Sorodasiw ka ni kéléla la, fanga ka to jamanaden tōw bolo»; «jama ma son sorodasifanga ma», «Demokarasiko hakilila ka to mogow la !»; «Jamanadenw fagali ka dabila sorodasiw fe».

Jekulu in nəməgō y'a nini a nəfəməgōw fe, u k'u cesiri min b'a to demokarasi ka kosegin Mali kono. O naniye min y'an hamie, walasa o ka sabati. Jamanadenw ye səgen min k'o nofe o kana ke gansan ye. Dabali min tigelen b'u bolo demokarasiko ani jamanako hakilila toli la mogo la, Saka Jakite y'o lase jama ma. Mogo tōw koseginna sow kono o kofe.

Modiba Keyita
Dokala Yusufu Jara

**Kibaru,
kunnafoji jigine !**

Jekulu "MP 22 Marisi" be ka sorodasiw senkoromadon

Mali ka demokarasi sōrola sanyéléma nənamayali hukumukono, jekulu min sigira sen kan marisikalo tile 22 n'a be wele «MP 22 Mars», fasojama ka wulikajoyekulu, o ye kunnafonidilaje ke baarakelaw togolasoba la Bamako Mali geléyaw kan. O jekulu in b'a la ka sorodasiw senkoromadon, minnu ye fangadafiri ke marisikalo tile 21 su k'a dugu je a tile 22 la. U labanna ka laje were ke Arajo Kayira la Jelibugu, Bamako komini fōla la. Politikitonw ani hadamadenya sabatilijekulu mogo caman tun b'o kene kan.

Umaru Mariko min ye politikiton «SADI» sekeretéri zeneraliye, ni «MP 22 Mars» mogo fana don, a ye kuma ta k'a jira ko geléya fila be ka nogen soro Mali la. N'o ye jamanakuntigisi kalata kunkankow ye ani körönfekèle.



MP 22 ka naniyajirataama Bamako kono

A jirala ko maramafen nənama te jamana sorodasiw bolo ka mogo murutilenw kuben. Sorodasicaman b'a la ka to o kélé muguda la kasoro jamana nəməgōw be k'a fō ko sorodasiw be to ka kéléda bilali min ke mogo murutilenw ne, k'o ye kélé feerew do ye.

Sorodasi caman de fagara o hukumukono Agelogidugukono Kidali mara la. Jamana nəməgōw kelen be k'u mako bo sorodasiw la keleyoro la; o geléyaba b'olu kan. O de la Kati denmisew ye taama ke ka nesin jamanakuntigiso ma Kuluba. O ko ma tulutige. Sajo Gasama min ye sorodasiw ka minisiri ye, o y'a nini ka jama lafaamuya. O fana geléyara.

Sorodasiw dusukasibaato ye Kuluba mine n'o ye jamanakuntigiso ye. U taara ni nəməgō caman ye.

Umaru Mariko ka fō la, sorodasijekulu min ye fanga dafiri, n'a naniye ka demokarasikolatilen ani ka fanga danbe segin a ma n'o ye «CNRDRE» ye, o ye politikimogow ani jamanadenw jigi fa. A ko a to ye körönfekèle kubenni ye sisan. Politikitonw ani hadamadenya sabatilijekulu mogo minnu faralen file nogen kan «MP 22 Mars» kono, olu y'a jira u ka laje senfe san 2012 marisikalo tile 23, ko «CNRDRE» ye fasodennumanya wale ke. U ka o waleya in benna olu ma, ub'u kōkō. Jekulu in mōgō y'a jira ko nin fangadafiri in ka taabolo numan di demokarasi ma ani ka mara sinsin jamana kono, benni kelenya ka sabati

jamana kono k'o y'olu fela ye.

Mahamed Tabure ye «MP 22 Marisi» jekulu mogo do ye, ale y'a jira k'u be «CNRDRE» sorodasiw ka fangayéléma kōkō. Yala «CNRDRE» bēna se ka nobo wa ? Umaru Mariko y'a jira ko nəməgōw m'u mako don sorodasiw la, n'o te ko kélékeminentse te jamana na. Kélé se be soro kélékela ka yeredi, an'a körönmadon cogo fe. Mali ye ka sira kura min ta nin ye, o bēna ke sababu ye ka fura soro geléyaw la. Umaru Mariko ka fō la, ni fura sōrola körönfekèle la joona, jamanakuntigikalata be sennateliya.

Burama Dunbiya
Dokala Yusufu Jara

SAN 2012 MARISIKALO KONO

- n° 2 : Afiriki tilebinyanfanjamana Peresidan 5 tun ka kan ka laje la Bamako
- n° 3 : Moti Ofisiri y'a ka san 2012 - 2013 sene kampanji boloda
- n° 4 : Batakiw
- n° 5 : Kalankene n° 116nan : Hakilijagabō suguya filanan : Nebila kēcogow

Dukene n° 91 : Sojo yamaruyasében

- n° 6 : Daŋe sure ka ca Bamanankan na (to)
- n° 7 : Mogo caman te basiketi kēcogow dōn
- n° 8 : Kabini wolosében kera fu ye a sōrola ma nōgo yōrō dōw la bilen